



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

23 g Tecla Junckfraw vnd Marterin.

**urn:nbn:de:hbz:466:1-41449**

## September

zükünfftig Martir erkennete / besalhe er disen zweyen/ daß sie es zu Rom dem Paps anzaigen solten. Da starb Anthonius auff dem Weg/ den doch Sanctinus wider aufferwecket/ kamen beyde gen Rom/ vnd von dannen zogen sie wider gen Meldis / daselbst Sanctinus im feiden verschide/ vnd Anthonius aber sein würdiger Nachkommer im Bisthumb auch im feiden entschlieffe.

Item in dem Flecken Tornodorenß des heyligen Abts Johannis.

Item zu Corbeia der heyligen Klosterfunchfrawen Lutrudis.

Item inn der Statt Lauduno die begräbnuß der H. Witfrawen vnd Ebtzin Salaberge / von Edlen Eltern geborn/ von Geburt blind/ oberkam aber ihu Gesicht wider von dem heyligen Abt Eustasio. Nach dem Tod ihres Ehegemahls/ hat sie erstlich inn ihrem Vaterland/ nemblich/ inn Lingonenser Vorstatt/ darnach auch zu Leon/ ein Kloster gebawen/ vnd bey 300. Dienerin/ in Christo verainigt/ geregirt / ist im leben vnd wunderwercken erleucht vnd gestorben.

Anno Dñi  
660.

Item in Costanzer Landschafft/ des H. Bischoffs Laudonis.

Item in Bituricenser Landschafft des H. Reichertigers Siluani.

g ix. Calend. Octobris.

Der XXIII. Tag im Herbstmonat.

**Z**u Puteola in Campanien ist heut der Geburtstag des heyligen Sosij Diacons der Statt Messenate. Als diser auff ein zeit inn der Kirchen gemeldter Statt

Statt das Euangelium lese / vnd der heylig Ianuar-  
 rius Bischoff zu Beneuent (vonn welchem am 19. tag  
 diß Monats) gegenwertig war / sahe er alsbald  
 von seinem Haupt ein Feuerflammen auffsteigen /  
 vnd anzeigt / daß er Salsus wurde ein Marterer wer-  
 den / wie dann auch geschehen / dann nach wenig tagen /  
 im dreißigsten jar seines alters / ward er sampt demsel-  
 ben Bischoff gefangen / vnd am vierten Tag nach ihm  
 enthaupt.

Anno Dñi  
 280.

Item zu Nicomedia der H. vnd berühmten Junck-  
 frauen Tecla / vonn der Statt Iconio geboren / von S.  
 Paulo dem Apostel getaufft / von irem Breutigam an-  
 klagt / vnder Kayser Nerone inns feur geworffen / auch  
 vnder mancherley wilde Thier gethan / welche doch al-  
 lenhalb vnuerletzt darvon blibe / kam endlich gen Se-  
 leuciam / ward ein gaistliche getrewe Mütter viler Junck-  
 frauen / vnd starb daselbst im seiden.

Item in Constanger Gebiet des H. Bischoffs vnd  
 Beichtigers Paterni.

Item zu Rom das leyden des H. Papsts vnd mar-  
 terers Linus / welches fest am 26. tag Wintermonats her-  
 licher gehalten wurde / an welchem tag er erhebt soll wor-  
 den sein / daselbst weiter von im.

Item auch zu Rom des hayligen Bischoffs vnd  
 Beichtigers Liberis.

Item in Schotland / in dem Kloster Huen / des H.  
 Abts vnd beichtigers Adamanni / der in heyligkeit vnd  
 lehr berühmpt war / wie Beda von im schreibt.

Item des H. Constantij bischoffs der Statt Aquin /  
 welcher als ein sehr heyliger Mann / Prophetischem geist  
 geleuchtet / wie S. Gregorius bezeuget.

Anno Dñi  
 520.  
 Lib. 3. Dialos

Item

## September

Item des H. Beichtigers Stabilionis / der ein Jünger  
des H. Bischoffs Paterni war.

*Lib. 1. Dialo.*

Item zu Ancona des H. Beichtigers Constantij /  
vonn dem Gregorius schreibt / das er die Irdischen ding  
verachtet / vnd mit den krefftigen seines ganken gemüts zu  
den Himilischen dingē erkünde sey gewesen. Sein Leib ist  
gen Venedig geführt worden / rhät in S. Basilij Kirchen.

Item des heyligen martirers Parentis / welliches  
Leib geehret wirdt zu Paris / in dem Kloster S. Martini  
de Campis.

Item zu Gemblaco die erhebung des Leibs Sanct  
Guiberti des Beichtigers Christi / der mit wunderzai-  
chen leuchtet.

Item der vierzig Tag nach Marie der seligsten  
Junckfrawen Himmelfarth / vnnnd wie der Gaislichen  
Frawen Elisabeth inn Sachsen geoffenbart / soll die ge-  
melte G. Dottes Gebererin eben an dem tag erslich mit  
dem Leib gen Himmel auffgefahren sein.

A viij. Calend. Octobris.

## Der XXIII. tag im Herbstmon.

**G**ut ist der Tag der empfencknus des H. vnd sü-  
trefflichen Vorlauffers vnd Tauffers Christi / Jo-  
hannis / welche empfencknus ja etwas besonders  
auff ihr hat / dieweil Johannes ja von den alten / vn-  
fruchtbarn vnnnd heyligen Eltern herkommet : auch in  
Mütter Leib vor der geburt geheiliget : vnd darneben mit  
Prophetischem Gaisst erfüllet ist worden / darumb er bey  
Maria haimsuchung vnd grüssen zu weissagen anfieng  
vnd in Mütter Leib auffsprang.

*Luc. 1.*

Item